



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs II. Quare fremuerunt Gentes? &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

PSALMVS II.

Quare fremuerunt Gentes? &c.

Quare furor exagitat gentes? qua causa tu-
multus?

Quo populi frustra meditantes dira minantur,
Conspirantq; simul proceres cum Regibus ipsis,
Interitum optantes Domini summiq; Iehouæ.
Enstruit insidias uncto Regi hostis iniquus,
Euomit & tales blasphemæ gutture voces.
Nos iuuat exosa disrumpere vincula legis,
De nostroq; iugum semel hoc auertere collo.
Interea Deus ex alto deridet inanes
Conatus horum, spernitq; minantia verba,
Terribilis donec vox intonet illius, ira
Commoti, incipiens stolidos turbare tyrannos
His verbis: Regem statui, soliumq; locavi
Uncto ad sacrati mihi culmina celsa Sionis.
Leges ille meas notas dabit, ille statuta
Decretumq; meum vulgabit talia fando:
Tu mihi tu natus: tu pignus pectoris huius:
Te luce hac genui: patria tu mentis imago,
Tu quacumq; cupis pete, nec patiere repulsam,

Hæc

*Heredi tradam tibi gentes, regnaq³ mundi,
Terrarum vt latos habeas, ceu pradia, fines.
Tu caput obtundes reprobo, tu dorsa malorum
Percuties sceptro, vindex: tua ferrea virga
Conteret aduersos tibi, ceu testacea vasa.
Ergo agite & Reges moniti resipiscite tandem,
Et vos qui mundi totius regna tenetis,
Erudienda vni submittite corda Iehouæ,
Mutatisq³ animis summum reuerenter amate
Laetitia Dominum simul atq³ timore colentes.
Oscula submisso date pectore suaui Nato,
Ne noceat: vestris meritis accensus ad iram,
Inq³ via reprobâ correptos, iure malignos
Vos perdat mirisq³ modis contundat iniquos,
Nam simul exarsit furor illius, opprimet hostes
Ipse suos pœnis affectis tristibus vltor.
Ah miseros Domini qui fulmina tanta meretur.
Ast qui confidunt Domino bis terq³ beatos.
Felices quorum fiducia nixa recumbit,
Spesq³ animosa vna hac immota rupe salutis.*

PSALMVS III.

Domine quid multiplicati sunt, &c.

Quot